

تورک پوردی

ناشری : تورک ادبغاغی

صافی ۴

ییل ۱۰

۱۵ حزیران ۱۳۳۹

74
5

تورک یوردی

تورکلرک فائده سنه چالیشیر

اون بش کونده بر چیقار

آنطالیه

آنطالیه کنجلیرینه :

آنطالیه ؛ سود کولنه بکزه یین آق دکیزک ساحلنده کوموش بر آینه یه
باقاراق چهره سنک عکسینی سیر ایدن حسنه مغرور بر کنج و کوزهل قیزه
بکزه یوردی . دودهن ایرماغنک وجوده کتیردیکی جاغلایانلر پورتاقال
باغچهلرینک ایچنده بودنیا کوزهل قیزک افسانه لرینی نرنم ایدیوردی .
بوراده اسکی محارب لربک مانجیققلره ییقامادقلری صارپ حصارلر واردی ؛
کناهکار قادینلربک آتیلدقلری روایت ایدیبلن قارا کلک و قورقونچ اوچوروملر
واردی ؛ یالچین قیالربک اوستنده ده کیزی کوزله یین بیاض قوله لی فنه لرلی
واردی ؛ بوتون مجهول قارایولجیلرینه ؛ « کیمدر او ؟ » دییه سسانسور کیچی بر
برحس ویرن اولو چینار آغاجلری واردی . صانکه آق دکیزک ملیکه سی بواک
کوزهل قیزی ده ده کیز قورصانلری چالما سینلر دییه سراینک اطرافته او
حصارلردن سورلر چکدیرمشدی ؛ او اوچوروملرله خنده کلر قازدیرمشدی ،
اوفه لرلی کوزجی قویمشدی ؛ او چینارلری قره قول بیراقشدی . بونلردن
باشقابک طاغلریده اللرنده ییلدیریمدن سلاخلرله بوراسنی بکله یور کییدی .
لاکن بوقادار وقت و او یانیقلقلره رغما یینه اونک قییلرینه ایتالیا ساحلرندن
قورصانلر کلش لری یوقیزی چالمق ایچون پوصو قورمشلردی ؛ بن طاغلرده
بونلربک طولاشدقلرینی کورو یوردم ؛ حیدود تور کولرینی ایشیدیوردم . بکا

اوله کلیوردی که بوقورصانلر برکیجه بوسرای باصاجقلر ؛ قایسند نوبت بکله بن بکجیلری اولدوره جکلر ؛ باش اوجنده آلتون شمعدانده غنرمو قملر یانان ، بلور باردادقن مسک شربتیی ایچهرک قوش تویی یاتاغنده ، طاتلی اویقوسنک ایچنده ایلک عشقنک رؤیالری کوردن بو کوزه ل قیزی اسیرایده جکلر . نیم ایچمی قورت کیی ییوب کیردن بوقورقوواندیشه هر ساعت ، هر دقیقه بویویه بویویه برقیصقانجلق ، برکین حاله کلمشدی . بن هر آقشام بوقیزک دیوارلری آلتنده سرسری برکولکه کیی طولاشیوردم ؛ هر نه وقت ، هر زرده اونلردن بریسنی کوره جک اولسام قاپلان کیی اوستنه آتیمق اونی دیشامله طیرناقلرمله پارچالامق ایسته یوردم .

برکون یوره کده برصقینتی واردی ؛ ایچم ایچمه صیغمیوردی ؛ باستونمی آلدیم ؛ کدییه ز یولنی طوتمدم ؛ ایچمه ایلرله دم ؛ آرقامدن برسس طویدم ؛ باقدم : برآل آتک اوستنده ، اوجی اورویالی سویملی برده لی قانلی یانمه یاقلاشنجه : « ای کنج ، اوغورلر اولسون . نه طرفه کیدیورسک ؟ » دییه صوردم . آتک دیزکیننی چکدی ؛ طوردی ؛ « قرق کوزه کیدیورم . » دیدی ؛ آهوآوینه کیتدیکنی آکلادم ؛ جانم صیقلدی برآز سرنجه یوزینه باقدم ؛ آجی برسسله ؛ « قرق کوز ، اوت ، زیتون اورما تریله یشیلله نمش ، هواسنه ککیک اوتلرینک عطرلری یایلمش بریر ؛ بر جنت که یشیل صولرندده صباحک پنپه کونشلیله آچیلش بیاض نیلوفر چیچکلری ماتم روزکارلریله اوینار ؛ چمنلرندده باکرلرک بایقین کوزلرینه بکزه بن منکشه لرسوزولور ؛ آغاجلرینک داللرندن سودالی شاعرلرک خیاللرینی آکدیران کله بکلر جانلی چیچکلر کیی اوچار ؛ اک بویوک صنعتکار اولان طبیعت التون تللی ربابیه عشق افسانه لری چالار ؛ وهره انکی بریرینه باقیلسا کیزلی والهی برکوزه لکک فسونلری کورولور . بورده آهو آوینه چیقمق کوزه لدر . لاکن ، ای دلی قانلی ، بوکون سنک کیده جکک یر بوراسی دکلدرد ؛ بوکون آهو آوینه چیقمق زمانی دکلدرد ؛ » دیدم .

دهلی قانلی تعجبله یوزمه باقدی: « نردیه کیتمه لی؟ نه آولامالی؟ » دی یه
سؤال ایتدی. بن اوکا پارماغمله آنطالیه یی کوستردم: ایشته بوراپه کیتمه لی؟
آوجیلغی بوردده یاملی. زیرا رومانک قارتاللری تورکک کو کرچین روحنی
نچه له مک ایچین بوراپه کلشار؛ اونک قیالرینک اوستنه یووالرینی یامشار.
اکر سن کوزلرکک کسکینلکسه، پارماقلرکک قوتنه کوودنیورساک، هواده
اوجان قوشلری یرلره ایندیره جک قدر ماهر بر آوجی ایسه ک بونلری
وور!.. » دیدم. وشهرده کلوب بنی بولاجق اولورسا کندیسنه ویره جکم
برشی اولدیغنی سویله دم.

فضیلتلی دهلی قانلی بنم سوزمی دیکله ری؛ آتک باشنی چویردی؛ مهموزلادی
توزی دومانه قاتاراق درت نعله آنطالیه یه دوغری اوچوب کیتدی.
برکون بودهل قانلی بنم یانمه سکز آوجی آرقاداشیله کلدی. دقت ایتدم:
کوزلری شمشکلیدی؛ آکلادم که قلبنه قویدوغم قیویلجیم روحنی طوتوشد.
ورمش؛ آله ولری کوزلرندن چیقیور. عینی قیویلجیمی سکز آرقاداشنک
قلبلرینه ده قویدم. بونلره! « قرق کوزک صولری قادار صاف فقط آق
ده کیزک طالغالری کیبی اولکیز. » دیدم. کیجه لرک قوشلری کیبی اویانیق،
کوکلرک ییلدیریملری کیبی چه ویک اولمالرینی تنیه ایتدم وکندیلرینه طوقوز
زهرلی اوق ویردم. « بونلری بکا براختیار قهرمان ویرمشدی؛ بن ده سزه
ویریورم. سز بواوقلرله سما کزک آلتنه کلش اولان، تورکک کو کرچین
روحنی نچه له مک ایسته یین اوقارتاللری قلبلرندن وورکز قانادلرندن قلملر
ومضرا بار یاپیکز. قانلرینی طوپراقلر کزه آقیتکز. بن آنطالیه نک کللرینک
بویترتیجی قوشلرک قانلریله آچیلماسنی ایسته رم؛ ایسته رم که بو چیچکلر،
آنطالیه قیزلرینک، سزک نشانلیر کزک کوکسلرینی سوسله سون وکندیلرینک
اک کوزهل برسوسی اولسون! » دیدم. هپسنک آلارندن اوپدم. ایرته سی
کون آنطالیه دن آیریلدم وباشقا بردیاریک یولجیسی اولدم!...